



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎՃՌԱԲԵԿ ԴԱՏԱՐԱՆԻ ՆԱԽԱԳԱՀ

### Ո Ր Ո Շ ՈՒ Մ

### ԵՆԹԱԿԱՑՈՒԹՅԱՆ ՄԱՍԻՆ ՎԵՃՐ ԼՈՒԾԵԼՈՒ ՎԵՐԱԲԵՐՅԱԼ

5 հունվարի 2023 թվական

ք. Երևան

ուսումնասիրելով ըստ հայցի՝ «Ինտելիջենթ սոլուշնս» սահմանափակ պատասխանատվությամբ ընկերության ընդդեմ ՀՀ ոստիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կատարելուն պարտավորեցնելու պահանջների մասին թիվ ՀԿԴ/0101/02/22 (ԵԴ/61701/02/22) քաղաքացիական գործի ենթակայությունը որոշելու նպատակով այն Վճռաբեկ դատարանի նախագահին ուղարկելու վերաբերյալ ՀՀ հակակոռուպցիոն դատարանի՝ 2022 թվականի դեկտեմբերի 23-ի որոշումը,

### Պ Ա Ր Զ Ե Ց Ի

#### Գործի դատավարական նախապատմությունը.

1. «Ինտելիջենթ սոլուշնս» սահմանափակ պատասխանատվությամբ ընկերությունը 2022 թվականի դեկտեմբերի 9-ին հայցադիմում է ներկայացրել Երևան քաղաքի առաջին ատյանի ընդհանուր իրավասության դատարան ընդդեմ ՀՀ ոստիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կատարելուն պարտավորեցնելու պահանջների մասին:

2. Երևան քաղաքի առաջին ատյանի ընդհանուր իրավասության դատարանի՝ 2022 թվականի դեկտեմբերի 15-ի որոշմամբ քաղաքացիական գործը հաճավել է ՀՀ հակակոռուպցիոն դատարանի քննությանը:

3. 2022 թվականի դեկտեմբերի 20-ին թիվ ԵԴ/61701/02/22 քաղաքացիական գործը ստացվել է ՀՀ հակակոռուպցիոն դատարանում, որին շնորհվել է ՀԿԴ/0101/02/22 համարը:

Հակակոռուպցիոն դատարանի՝ 2022 թվականի դեկտեմբերի 23-ի որոշմամբ քաղաքացիական գործի ենթակայությունը որոշելու նպատակով այն ուղարկվել է ՀՀ Վճռաբեկ դատարանի նախագահին:

4. Գործը ՀՀ Վճռաբեկ դատարանում ստացվել է 2022 թվականի դեկտեմբերի 28-ին:

### **Ենթակայության վերաբերյալ վեճի լուծման համար Էական նշանակություն ունեցող փաստական հանգամանքները.**

5. Հղում կատարելով «Հայաստանի Հանրապետության դատական օրենսգիրը» ՀՀ սահմանադրական օրենքի 24-րդ հոդվածի 3-րդ մասին, 2021 թվականի ապրիլի 14-ին ընդունված՝ ««Հայաստանի Հանրապետության դատական օրենսգիրը» սահմանադրական օրենքում լրացումներ և փոփոխություններ կատարելու մասին» թիվ ՀՕ-331-Ն ՀՀ սահմանադրական օրենքի 19-րդ հոդվածի 19-րդ, 22-րդ, 23-րդ և 24-րդ մասերին, ՀՀ քաղաքացիական դատավարության օրենսգրի 25-րդ հոդվածի 3.1-րդ մասին՝ Երևան քաղաքի առաջին ատյանի ընդհանուր իրավասության դատարանը 2022 թվականի դեկտեմբերի 15-ի որոշմամբ քաղաքացիական գործն ըստ ենթակայության ուղարկել է Հակակոռուպցիոն դատարան՝ այն պատճառաբանությամբ, որ «[Գ]ործով ներկայացված պահանջներն իրենցից ներկայացնում են «Ինքելիջենթ սոլուշնս» սահմանափակ պարասիանալրվությամբ ընկերության և ՀՀ ուղիկանության միջև 2022 թվականի հունիսի 27-ին թիվ ՀՀ ՈՒՃԱՊԶԲ-ՎԿԱՅԱԿԱՆ-2022-1 ծածկագրով կնքված պայմանագրի միակողմանի լուծումն անվավեր ճանաչելու և որոշակի գործողություններ կարարելուն պարփակորեցնելու պահանջներ, իսկ գործով պարասիանող է հանդիսանում ՀՀ ուղիկանությունը, որպիսի պայմաններում Դադարանը գրնում է, որ սույն գործով ներկայացված պահանջի քննությունն անխուսափելի հորեն առնչվում է Հայարանի Հանրապետության գույքային շահերին, ուստի Դադարանը գրնում է, որ (...) թիվ

ԵԴ/61701/02/22 քաղաքացիական գործը պետք է հանձնել հակակոռուպցիոն դատարանի բննությանը»<sup>1</sup>:

6. Հղում կատարելով «Հայաստանի Հանրապետության դատական օրենսգիրը» ՀՀ սահմանադրական օրենքի 2-րդ հոդվածի 3-րդ մասի 3-րդ կետին, 24-րդ հոդվածի 3-րդ մասին, ՀՀ կառավարության 2019 թվականի հոկտեմբերի 3-ի թիվ 1332-Ն որոշման թիվ 1 հավելվածի 58-րդ, 60-րդ, 88-րդ և 89-րդ մասերին, «Դատախազության մասին» ՀՀ օրենքի 29-րդ հոդվածի 1-ին մասի 1-ին կետին և նույն հոդվածի 2-րդ մասին, ՀՀ քաղաքացիական դատավարության օրենսգրքի 41-րդ հոդվածի 1-ին և 3-րդ մասերին՝ Հակակոռուպցիոն դատարանը 2022 թվականի դեկտեմբերի 23-ի որոշմամբ գտել է, որ սույն գործը ենթակա է Երևան քաղաքի առաջին ատյանի ընդհանուր իրավասության դատարանին և այդ առնչությամբ դիմել է Վճռաբեկ դատարանի նախագահին՝ նշելով հետևյալը. «(...) Հակակոռուպցիոն դատարանի ենթակայության շրջանակը որոշելիս օրենսդիրը որպես ուղենիշ դիմարկել է միայն կոռուպցիոն բնույթի գործերը նույն դատարանի ինչպես քրեական, այնպես էլ քաղաքացիական մասնակիության դատավորների համար: Օրենսդրի կամքի այսպիսի դրանորումը մի կողից բխում է հակակոռուպցիոն ուազմավարության համապատասխան դրույթներից, մասնավորապես՝ Հակակոռուպցիոն դատարանի՝ որպես կոռուպցիայի դեմ պայքարի ինսպիրուցիոնալ մարմնի առաքելությունից, մյուս կողմից պայմանավորված է այն հանգամանքով, որ մասնագիրացված դատարանը, որն ընդգրկում է բարբեր մասնագիրացված դատավորներ, որպես այդպիսին հանդես գալու համար պետք է ունենա որևէ ընդհանուր չափանիշ, որպիսին կարող է դիմարկվել այդ դատարանին ենթակա գործերի ընդհանրական բնույթը:

(...) Հակակոռուպցիոն դատարանը՝ որպես մասնագիրացված դատարան, կոռուպցիայի դեմ պայքարի ինսպիրուցիոնալ մարմին է, որը կոչված է իրականացնելու միայն կոռուպցիոն բնույթի գործերով արդարադարձություն:

(...) Պետքության գույքային և ոչ գույքային շահերի պաշտպանության հայցերով հայցի առարկան պետքության գույքային և ոչ գույքային շահերի պաշտպանության պահանջի հիմքում ընկած պետքության գույքային և ոչ գույքային շահը: Այսինքն՝ հայցը կարող է դիմարկվել որպես պետքության գույքային և ոչ գույքային շահերի պաշտպանությանն ուղղված միայն այն դեպքում, եթե պետքության իրավասու մարմինը

<sup>1</sup> Տե՛ս քաղաքացիական գործը, հատոր 1, թերթեր 1-2:

քաղաքացիական շրջանառության այլ մասնակիցների դեմ ներկայացնի պետքության՝ ենթադրաբար խախտված գույքային կամ ոչ գույքային շահի պաշտպանության պահանջ: Այլ կերպ ասած՝ քննարկվող հայցերով պետքության գույքային և ոչ գույքային շահերի պաշտպանությունը պետք է ուղղակիորեն բխի հայցի առարկայից:

[Պ]ետքության շահերի պաշտպանության հայց ներկայացնելու իրավասություն ունեն բացառապես պետքական մարմինները: Դարպախազն այդպիսի հայց կարող է ներկայացնել միայն օրենքով նախադրեաված դեպքերում, ինչը պայմանավորված է վերջինիս հարուկ սահմանադրաբարավական կարգավիճակով: Բացի թվարկված սուբյեկտներից՝ քաղաքացիադարպանական որևէ այլ սուբյեկտ չի կարող ներկայացնել պետքության շահերի պաշտպանության հայց: Նշվածը բխում է այն դրամարանությունից, որ քաղաքացիական դարպանարության կարգով իրավունքների պաշտպանության հայցով դարպարան կարող է դիմել ենթադրաբար խախտված կամ վիճարկվող իրավունքի իրավակերը, որը պետքության պարագայում կարող է իրականացվել միայն պետքական մարմինների միջոցով:

(...) Օրենսդրի կամքն ուղղված է եղել նրան, որ Հակակոռուպցիոն դարպարանում պետք է քննվեն միայն դարպախազության կողմից ներկայացված պետքության գույքային և ոչ գույքային շահերի պաշտպանության և ապօրինի ծագումունքությունը գույքի բոնագանձման հայցերը, որոնց քննության համար քավարար է համարվել 5 քաղաքացիական մասնագիրացման դարպանորի թվաքանակը՝ նկարի ունենալով նաև, որ Հակակոռուպցիոն դարպարանի դարպանական լրացրը Հայաստանի Հանրապետության ողջ դարձն է:

(...) Հակակոռուպցիոն դարպարանի էությունը ենթադրում է, որ այս դարպարանի քննությանը ենթակա քաղաքացիական գործերը ևս պետք է լինեն կոռուպցիոն բնույթի: Այսինքն՝ պետքության գույքային և ոչ գույքային շահերի պաշտպանության հայցը Հակակոռուպցիոն դարպարանին ենթակա դիրքարկելու համար անհրաժեշտ է, որ նշված հայցի հիմքում դրվեն այնպիսի փասթեր, որոնք այս կամ այն կերպ կապահովեն ներկայացված պահանջի կոռուպցիոն բնույթը:

(...) Դարպարանը գիտում է, որ պետքության գույքային կամ ոչ գույքային շահերին առնչվող քաղաքացիական գործը ենթակա է քննության Հակակոռուպցիոն դարպարանում հետևյալ պայմանների միաժամանակյա առկայության դեպքում:

1. առկա է պետքության գույքային կամ ոչ գույքային շահի պաշտպանության հայց, մասնավորապես հայցի առարկան հետապնդում է հանրային շահի պաշտպանության նպատակը.

2. հայցը հարուցվել է պարշաճ սուբյեկտի՝ ՀՀ դատախազության կողմից:

(...) Դատարանը հանգում է հետևողական, որ Հակակոռուպցիոն դատարանին ենթակա է միայն ՀՀ դատախազության կողմից հարուցված պետական գույքային և ոչ գույքային շահերի պաշտպանության հայցերը:

(...) Դատարանն արձանագրում է, որ «Ինքելիջենթ սոլուշնս» սահմանափակ պարախանակությամբ ընկերության կողմից ՀՀ ուղիկանության դեմ ներկայացված հայցը չի կարող որակվել որպես պետքության գույքային շահի պաշտպանության վերաբերյալ հայց և ըստ այդմ ենթակա լինել քննության ՀՀ հակակոռուպցիոն դատարանում, քանի որ հայցի օբյեկտը ոչ թե պետքության, այլ մասնավոր անձի գույքային շահն է, իսկ հայցի առարկան՝ ոչ թե պետքության, այլ մասնավոր անձի գույքային իրավունքների պաշտպանության պահանջը, և հայցը ներկայացվել է ոչ թե պետքության շահերի պաշտպանության համար հակակոռուպցիոն դատարան դիմելու համար օրենքով լիազորված պարշաճ սուբյեկտի՝ դատախազության կողմից, այլ իրավաբանական անձի կողմից: Ուստի՝ Դատարանը գրնում է, որ թեև սույն գործն անուղղակիորեն կարող է շոշափել պետքության գույքային շահը կամ առնչվել դրան, գործը Հակակոռուպցիոն դատարանին հանձնելու նախապայմանները բացակայում են, քանի որ հայցն ուղղված չէ պետքության շահի պաշտպանությանը և ներկայացված չէ պարշաճ սուբյեկտի կողմից:

(...) Դատարանը հանգում է հետևողական, որ թիվ ՀԿԴ/0101/02/22 գործը ենթակա չէ քննության Հակակոռուպցիոն դատարանում»<sup>2</sup>:

### Վճռաբեկ դատարանի նախագահի պատճառաբանությունները և եզրահանգումը

7. Սույն գործով Վճռաբեկ դատարանի նախագահի առջև բարձրացված իրավական հարցը հետևյալն է. հիմնավո՞ր է արդյոք ՀՀ հակակոռուպցիոն դատարանի հետևողական այն մասին, որ թիվ ՀԿԴ/0101/02/22 (ԵԿ/61701/02/22) քաղաքացիական գործն ըստ հայցի՝ «Ինքելիջենթ սոլուշնս» սահմանափակ պարախանակությամբ ընկերության ընդդեմ

<sup>2</sup> Տե՛ս քաղաքացիական գործը, հատոր 2, թերթեր 3-8:

ՀՀ ուղիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կարարելուն պարտավորեցնելու պահանջների մասին, ենթակա է Երևան քաղաքի առաջին արյանի ընդհանուր իրավասության դատարանին:

8. «Հայաստանի Հանրապետության դատական օրենսգիրը» ՀՀ սահմանադրական օրենքի 2-րդ հոդվածի 3-րդ մասի 3-րդ կետի համաձայն՝ «Մասնագիրացված դատարաններն են՝ (...) հակակոռուպցիոն դատարանը»:

«Հայաստանի Հանրապետության դատական օրենսգիրը» ՀՀ սահմանադրական օրենքի 24-րդ հոդվածի 3-րդ մասի համաձայն՝ «Հակակոռուպցիոն դատարանին են ենթակա (...) քաղաքացիական դատավարության կարգով պետության գույքային և ոչ գույքային շահերի պաշտպանության հայցերով և «Ապօրինի ծագում ունեցող գույքի բռնագանձման մասին» օրենքի հիման վրա գույքի բռնագանձման հայցերով հարուցված քաղաքացիական գործերը (...):

9. Սույն որոշման նախորդ կետում վկայակոչված իրավական նորմերի վերլուծությունից հետևում է, որ հակակոռուպցիոն դատարանին ենթակա քաղաքացիական գործերն են՝ քաղաքացիական դատավարության կարգով պետության գույքային և ոչ գույքային շահերի պաշտպանության ուղղված հայցերով և «Ապօրինի ծագում ունեցող գույքի բռնագանձման մասին» ՀՀ օրենքի հիման վրա գույքի բռնագանձման հայցերով հարուցված քաղաքացիական գործերը: Նշվածը հիմք է տալիս փաստելու, որ օրենսդիրը հակակոռուպցիոն դատարանի ենթակայությանն է վերապահել ոչ թե այն գործերը, որոնք առնչվում են պետության գույքային և ոչ գույքային շահերին, այլ այն հայցերով գործերը, որոնք ուղղված են այդ շահերի պաշտպանությանը: Այսինքն՝ հակակոռուպցիոն դատարանի ենթակայական իրավազորությունը սահմանափակված է պետության գույքային և ոչ գույքային շահերի պաշտպանությանն ուղղված հայցերի ընսությամբ: Հարկ է նաև նշել, որ այս մոտեցումը բխում է 2021 թվականի ապրիլի 14-ին ընդունված՝ ««Հայաստանի Հանրապետության դատական օրենսգիրը» սահմանադրական օրենքում լրացումներ և փոփոխություններ կատարելու մասին» թիվ ՀՕ-331-Ն ՀՀ սահմանադրական օրենքի նախագծի ընդունման հիմնավորումներից, համաձայն որոնց, օրենսդիրը հակակոռուպցիոն դատարանին օժտել է մասնագիտացված դատարանի կարգավիճակով

և ըստ այդմ՝ նախատեսել այդ դատարանի քննությանը ենթակա քաղաքացիական վեճերի սահմանափակ շրջանակ<sup>3</sup>:

Բացի այդ, նոյն օրենքի հիմնավորումներից հետևում է, որ ՀՀ հակակոռուպցիոն դատարանի քաղաքացիական մասնագիտացմամբ դատավորների թվակազմը սահմանելիս (5 դատավոր), հիմք են ընդունվել ՀՀ զիսավոր դատախազության ապօրինի ծագում ունեցող գույքի բռնագանձման գործերով վարչության կողմից կատարված ուսումնասիրությունների և դատախազների կողմից դատարաններ ներկայացված՝ պետական շահերի պաշտպանության հայցերի վերաբերյալ վիճակագրական տվյալները: Նշվածը հիմք է տալիս հետևություն անելու, որ օրենսդրի նպատակն է եղել հակակոռուպցիոն դատարանի ենթակայությանը վերապահել պետության գույքային և ոչ գույքային շահերի պաշտպանությանն ուղղված հայցերի քննությունը, որոնք ներկայացվել են ՀՀ դատախազության կողմից<sup>4</sup>:

10. Սույն քաղաքացիական գործի նյութերի ուսումնասիրությունից հետևում է, որ:

- «Ինտելիջենք սոլուշնս» սահմանափակ պատասխանատվությամբ ընկերությունը Երևան քաղաքի առաջին ատյանի ընդհանուր իրավասության դատարան է ներկայացրել հայցադիմում ընդրեմ ՀՀ ոստիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կատարելուն պարտավորեցնելու պահանջների մասին<sup>5</sup>,

- հղում կատարելով «Հայաստանի Հանրապետության դատական օրենսգիրը» ՀՀ սահմանադրական օրենքի 24-րդ հոդվածի 3-րդ մասին, 2021 թվականի ապրիլի 14-ին ընդունված՝ ««Հայաստանի Հանրապետության դատական օրենսգիրը» սահմանադրական օրենքում լրացումներ և փոփոխություններ կատարելու մասին» թիվ ՀՕ-331-Ն ՀՀ սահմանադրական օրենքի 19-րդ հոդվածի 19-րդ, 22-րդ, 23-րդ և 24-րդ մասերին, ՀՀ քաղաքացիական դատավարության օրենսգրքի 25-րդ հոդվածի 3.1-րդ մասին՝ Երևան քաղաքի առաջին ատյանի ընդհանուր իրավասության դատարանը 2022 թվականի դեկտեմբերի 15-ի որոշմամբ քաղաքացիական գործն ըստ ենթակայության ուղարկել է ՀՀ հակակոռուպցիոն դատարան՝ այն պատճառաբանությամբ, որ գործով ներկայացված

<sup>3</sup> Տե՛ս 2021 թվականի ապրիլի 14-ին ընդունված՝ ««Հայաստանի Հանրապետության դատական օրենսգիրը» սահմանադրական օրենքում լրացումներ և փոփոխություններ կատարելու մասին» թիվ ՀՕ-331-Ն ՀՀ սահմանադրական օրենքի նախագծի հիմնավորումները՝ ՀՀ Ազգային ժողովի պաշտոնական կայքէջում հետևյալ հղմամբ՝ [http://www.parliament.am/draftreading\\_docs7/K-785\\_DR2.pdf](http://www.parliament.am/draftreading_docs7/K-785_DR2.pdf)

<sup>4</sup> Տե՛ս նոյն տեղում:

<sup>5</sup> Տե՛ս սույն որոշման 1-ին կետը:

պահանջի քննությունն անխուսափելիորեն առնչվում է Հայաստանի Հանրապետության գույքային շահերին, ուստի թիվ ԵԴ/61701/02/22 քաղաքացիական գործը պետք է հանձնել հակակոռուպցիոն դատարանի քննությանը<sup>6</sup>,

- հղում կատարելով «Հայաստանի Հանրապետության դատական օրենսգիրք» ՀՀ սահմանադրական օրենքի 2-րդ հոդվածի 3-րդ մասի 3-րդ կետին, 24-րդ հոդվածի 3-րդ մասին, ՀՀ կառավարության 2019 թվականի հոկտեմբերի 3-ի թիվ 1332-Ն որոշման թիվ 1 հավելվածի 58-րդ, 60-րդ, 88-րդ և 89-րդ մասերին, «Դատախազության մասին» ՀՀ օրենքի 29-րդ հոդվածի 1-ին մասի 1-ին կետին և նույն հոդվածի 2-րդ մասին, ՀՀ քաղաքացիական դատավարության օրենսգրքի 41-րդ հոդվածի 1-ին և 3-րդ մասերին՝ Հակակոռուպցիոն դատարանը 2022 թվականի դեկտեմբերի 23-ի որոշմամբ գտել է, որ սույն գործը ենթակա է Երևան քաղաքի առաջին ատյանի ընդհանուր իրավասության դատարանին և այդ առնչությամբ դիմել է Վճռաբեկ դատարանի նախագահին՝ նշելով, որ պետության գույքային կամ ոչ գույքային շահերին առնչվող քաղաքացիական գործը ենթակա է քննության հակակոռուպցիոն դատարանում՝ հետևյալ պայմանների միաժամանակյա առկայության պարագայում. ա) առկա է պետության գույքային կամ ոչ գույքային շահի պաշտպանության հայց, մասնավորապես հայցի առարկան հետապնդում է հանրային շահի պաշտպանության նպատակ, բ) հայցը հարուցվել է պատշաճ սուրյեկտի՝ ՀՀ դատախազության կողմից, ուստի, թեև սույն գործն անուղղակիորեն կարող է շոշափել պետության գույքային շահը կամ առնչվել դրան, գործը Հակակոռուպցիոն դատարանին հանձնելու նախապայմանները բացակայում են, քանի որ հայցն ուղղված չէ պետության շահի պաշտպանությանը և ներկայացված չէ պատշաճ սուրյեկտի կողմից<sup>7</sup>:

11. Նախորդ կետում մեջբերված փաստական հանգամանքները գնահատելով սույն որոշման 8-9-րդ կետերում վկայակոչված իրավադրույթների և արտահայտված իրավական դիրքորոշումների լույսի ներքո՝ հարկ է նկատել, որ սույն գործով Երևան քաղաքի առաջին ատյանի ընդհանուր իրավասության դատարան հայցադիմում է ներկայացվել «Ինտելիջենք սոլուշնս» սահմանափակ պատասխանատվությամբ ընկերության կողմից, ընդ որում՝ այն ներկայացվել է ընդդեմ ՀՀ ոստիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կատարելուն պարտավորեցնելու պահանջների մասին: Այսինքն՝ հայցադիմումի առարկան կազմում է պայմանագրի միակողմանի լուծումն

<sup>6</sup> Տե՛ս սույն որոշման 5-րդ կետը:

<sup>7</sup> Տե՛ս սույն որոշման 6-րդ կետը:

անվավեր ճանաչելու և որոշակի գործողություններ կատարելուն պարտավորեցնելու պահանջները, որոնք թեև կարող են նաև առնչվել պետության գույքային և ոչ գույքային շահերին, սակայն ուղղակիորեն միտված չեն այդ շահերի պաշտպանությանը: Այլ կերպ, հայցադիմումի առարկան չի հետապնդում հանրային այնպիսի շահի պաշտպանության նպատակ, որն օրենսդրի կողմից նախատեսվել է որպես ՀՀ հակակոռուպցիոն դատարանի կողմից գործերի քննության նախապայման:

12. Վերը շարադրվածը հիմք է տալիս փաստելու, որ ՀՀ հակակոռուպցիոն դատարանի հետևողությունն այն մասին, որ թիվ ՀԿԴ/0101/02/22 (ԵԴ/61701/02/22) քաղաքացիական գործն ըստ հայցի՝ «Ինտելիջենք սոլուշնս» սահմանափակ պատասխանատվությամբ ընկերության ընդդեմ ՀՀ ոստիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կատարելուն պարտավորեցնելու պահանջների մասին, ենթակա է Երևան քաղաքի առաջին ատյանի ընդհանուր իրավասության դատարանին, իիմնավոր է:

13. Վերոգրյալի հիման վրա, գտնում եմ, որ «Ինտելիջենք սոլուշնս» սահմանափակ պատասխանատվությամբ ընկերության հայցադիմումի հիման վրա հարուցված թիվ ՀԿԴ/0101/02/22 (ԵԴ/61701/02/22) քաղաքացիական գործը ենթակա է Երևան քաղաքի առաջին ատյանի ընդհանուր իրավասության դատարանի քննությանը:

Հիմք ընդունելով վերոշարադրյալը և դեկավարվելով ՀՀ քաղաքացիական դատավարության օրենսգրքի 26-րդ հոդվածով՝

## ՈՐՈՇԵՑԻ

թիվ ՀԿԴ/0101/02/22 (ԵԴ/61701/02/22) քաղաքացիական գործն ըստ հայցի՝ «Ինտելիջենք սոլուշնս» սահմանափակ պատասխանատվությամբ ընկերության ընդդեմ ՀՀ ոստիկանության՝ պայմանագրի միակողմանի լուծումն անվավեր ճանաչելու և որոշակի գործողություններ կատարելուն պարտավորեցնելու պահանջների մասին, ենթակա է Երևան քաղաքի առաջին ատյանի ընդհանուր իրավասության դատարանին:

**ԼԻԼԻԹ ԹԱԴԵՎՈՍՅԱՆ**